

Broj: 03-04-74-4/24
Sarajevo, 25.01.2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 25-01-2024			
Org. jed.	Broj	Priloga	Vrijednost
05/1	- 02 -	11/24	

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku ✓
n/p gosp. Nihadu Krajinoviću, zastupniku

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva okoliša i turizma, broj: 05-19-73/24 EK od 22. siječnja 2024. godine, koji se odnosi na zastupničko pitanje zastupnika Nihada Krajinovića.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

680
Bosnia and Herzegovina
Federation of Bosnia and Herzegovina
FIB MINISTRY OF
ENVIRONMENT AND TOURISM

Broj: 05-19-73/24 EK
Sarajevo, 22.01.2024. godine

Bosna i Hercegovina
Federacija Bosne i Hercegovine
VLADA FEDERACIJE BiH
N/r. gđa. Edita Kalajdžić, sekretar
Adresa: Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

Datum: 24.1.2024			
Organizaciona jedinica	Klasifikaciona oznaka	Redni broj	Broj priloga
03-04-74-4/2024			

Predmet: Odgovor na poslanička pitanja, dostavlja se.-
Veza: Vaš akt, broj: 03-04-74-4/2024 od 15.01.2024. godine

Poštovana,

Vašim aktom, veza broj: 03-04-74-4/2024 od 15.01.2024. godine, u kojem tražite odgovore iz naše nadležnosti na postavljena poslanička pitanja, koja je, na nastavku 6. redovne sjednice Predstavničkog doma Parlamenta Federacije BiH, održanom dana 10.01.2024. godine, postavio Nihad Krajinović, poslanik u Predstavničkom domu Parlamenta Federacije Bosne i Hercegovine, dostavljamo slijedeće odgovore:

1. Mogu li se u kategoriju pod 3. opasnih supstanci koje podrazumijevaju izlaganje inhalacijskim putem i oralnim putem uvrstiti čestice koje se emitiraju u zrak proizvodnjom peleta?

Proizvodnja peleta, u svom tehnološkom procesu, uključuje obavezan predtretman ulaznih sirovina u cilju proizvodnje samog peleta. U predtretman ulaznih sirovina spada sitnjenje, sušenje, ujednačavanje vlažnosti, formiranje smjese za peletiranje (od jedne ili više ulaznih sirovina sa mogućnošću dodavanja aditiva), te završno sitnjenje.

Ukoliko proces sušenja ulaznih sirovina, uključuje proizvodnju toplotne energije uz sagorijevanje određenih goriva, takvo postrojenje podliježe ograničenju uz poštovanje GVE emisija zagađujućih materija po Pravilniku o graničnim vrijednostima emisije u zrak iz postrojenja za sagorijevanje („Službene novine Federacije BiH“, br.3/13 i 92/17).

Ukoliko tehnološki proces proizvodnje peleta koristi ulaznu sirovinu - biomasu bez primjesa anorganskih materija ili kancerogenih materija, generirane emisije čestica ne mogu se svrstati u opasne supstance. U slučaju da ulazna sirovina sadrži onečišćenja anorganskim ili kancerogenim polutantima, za očekivat je tada da i prašina iz tehnološkog procesa može sadržavati navedene polutante koji bi eventualno podlijevali ograničenjima po Pravilniku o graničnim vrijednostima emisije zagađujućih materija u zrak („Službene novine Federacije BiH“, broj: 12/05). Podaci o kvalitativnom i kvantitativnom sastavu ulaznih sirovina određivali bi sastav i prašine koja se javi u proizvodnom procesu.

2. Da li je tačna informacija da su pogoni za proizvodnju peleta izuzeti iz popisa projekata za koje se obavezno provodi procjena uticaja na okoliš, a samim time ne podliježu članu 86. i 89. Zakona o zaštiti okoliša (izdavanje okolinske dozvole)?

Prema Uredbi o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš ("Službene novine Federacije BiH", br. 51/21, 33/22 i 104/22) definisani su:

- projekti za koje je obavezna procjena uticaja na okoliš, te
- projekti za koje Federalno ministarstvo okoliša i turizma odlučuje da li je potrebna procjena uticaja na okoliš, uz definisanje kriterija i dodatnih informacija koje pomažu pri određivanju da li je potrebna procjena uticaja na okoliš.

Proizvodnju peleta moguće je svrstati na popis projekata datih navedenom Uredbom, Prilog II, tačka 3. Energetska industrija, alineja (j) Proizvodnja biogoriva kapaciteta 20.000 t/godišnje i više. Projekti za koje se odlučuje o potrebi procjene uticaja na okoliš podliježu odredbama čl. 68, 69, 70. i 71. Zakona o zaštiti okoliša („Službene novine FBiH“, broj: 15/21)

Ukoliko se u konkretnom projektu radi o navedenom kapacitetu 20.000 t/godišnje i više, isti podliježe proceduri odlučivanja od strane Federalnog ministarstva o potrebi procjene uticaja na okoliš i odredbama naprijed navedenih članova Zakona o zaštiti okoliša.

3. Na koji način se može i šta je potrebno uraditi da i postrojenja za proizvodnju peleta budu obuhvaćena gore navedenim?

Slijedom naprijed navedenog, postrojenja su već obuhvaćena pravnim okvirom, tj. nisu izuzeti od ograničenja u pogledu zaštite okoliša.

S poštovanjem,

Dostavljeno:

- Naslovu
- Arhivi

